

28. december 2021

**Inuussutissarsiutinik ingerlatsisutut aningaasaateqarfiit pillugit allannguutitut
inatsisini assigiinngitsuni aalajangersakkat ilaasa Kalaallit Nunaannut
atuutilersinneqarnerat pillugu peqqussut**

UAGUT MARGRETHE AAPPAAT, Guutip saammaassineragut Danmarkip Dronningia,
nalunaarpugut:

Piginneqatigiiffiit pillugit inatsimmi allannguneq pillugu inatsimmi nr. 262, 16. marts 2016¹-imeersumi § 14, imm. 1, sulliviit inuussutissarsiutitut ingerlatat ilaat pillugit inatsit, inuussutissarsiutinik ingerlatsisutut aningaasaateqarfiit pillugit inatsit, aamma inatsisit assigiinngitsut allat (piginnittuiusunik nalunaarsuinerup eqqunneqarnera), Kukkunersiuisarneq pillugu inatsimmik allannguneq pillugu inatsimmi nr. 631, 8. juni 2016²-imeersumi § 15, imm. 2 aamma inatsisit allat (Tamanut soqutiginaatilinnut suliffeqarfinnik kukkunersiuiinermut immikkut piumasaqaatit pillugit piumasaqaateqarnermik toqqagassaqaarnissamut periarfissat aamma kukkunersiuisunut malittarisassiamik allannguinerit naammassineqarnerat), suliffeqarfiit aningaasarsiornermik ingerlataqartut pillugit inatsimmik allannguneq pillugu inatsimmi 665, 8. juni 2017³-imeersumi § 22, imm. 3, aningasalersuinermik siunnersortit aamma initaarniarnermut taarsigassarsisitsisartunut ingerlatitseqqisartut pillugit inatsit aamma inatsisit assigiinngitsut allat (aningaasalersuinerum atortunik (MiFID II) niuffaffiit pillugit malittarisassiamik naammassinnineq aamma aningaasalersuinerum atortunik (MiFIF) il.il. niuffaffiit pillugit peqqussutip malitsigisaanik allannguneq), Qitiusumik Suliffeqarfinnik Nalunaarsuivik pillugu inatsimmik allannguneq pillugu inatsimmi nr. 1665, 26. december 2017⁴-imeersumi § 9 aamma inatsisit assigiinngitsut allat (CVR-imi assigisaannilu inuit nammineq najugarisaannik tamanut nalunaarutiginninnerit pillugit maleruagassanik allannguinerit), piginneqatigiiffiit pillugit inatsimmik allannguneq pillugu inatsimmi nr. 676, 29. maj 2018⁵-imeersumi § 5, sulliviit inuussutissarsiutitut ingerlatat ilaat pillugit inatsit, aamma inuussutissarsiutinik ingerlatsisutut aningaasaateqarfiit pillugit inatsit (piginnittuunermut nalunaarsuinerum assigisaannullu piumasaqaatit allanngortitat) aamma piginneqatigiiffinnut inatsimmik allannguneq pillugu inatsimmi nr. 554, 7. maj 2019⁶-imeersumi § 14, imm. 1, sulliviit inuussutissarsiutitut ingerlatat ilaat pillugit inatsit, inuussutissarsiutinik ingerlatsisutut aningaasaateqarfiit pillugit inatsit, aamma inatsisit assigiinngitsut allat (Aningaasanik peqquserluutinik malunnarunnaarsaasarneq pillugu malitassap 5.-p malitsigisaanik piginnittuiusut pillugit maleruagassanik allannguneq) malillugit aalajangerneqarpoq:

§ 1. Inuussutissarsiutinik ingerlatsisutut aningaasaateqarfiit pillugit inatsimmik allannguinerit, piginneqatigiiffiit pillugit inatsimmi allannguneq pillugu inatsimmi nr. 262, 16. marts 2016-imeersumi § 3, sulliviit inuussutissarsiutitut ingerlatat ilaat pillugit inatsit, inuussutissarsiutinik ingerlatsisutut aningaasaateqarfiit pillugit inatsit aamma inatsisit assigiinngitsut allat (Piginnittuiusunik nalunaarsuinerup eqqunneqarnera), kukkunersiuisarneq pillugu inatsimmik allannguneq pillugu inatsimmi nr. 631, 8. juni 2016-imeersumi § 4 aamma inatsisit allat (Tamanut soqutiginaatilinnut suliffeqarfinnik kukkunersiuiinermut immikkut piumasaqaatit pillugit

piumasaqaateqarnermik toqqagassaqaarnissamut periarfissat aamma kukkunersiuisunut malittarisassiamik allannguinerit naammassineqarnerat), suliffeqarfiit aningaasarsiornermik ingerlataqartut pillugit inatsimmik allanngueq pillugu inatsimmi 665, 8. juni 2017-imeersumi § 11, aningasalersuinerimik siunnersortit aamma initaarniarnermut taarsigassarsisitsisartunut ingerlatitseqqiisartut pillugit inatsit aamma inatsisit assigiinngitsut allat (aningasalersuinerimut atortunik (MiFID II) niuffaffiit pillugit malittarisassiamik naammassinnineq aamma aningasalersuinerimut atortunik (MiFIF) il.il. niuffaffiit pillugit peqqussutip malitsigisaanik allanngueq), Qitiusumik Suliffeqarfinnik Nalunaarsuivik pillugu inatsimmik allanngueq pillugu inatsimmi nr. 1665, 26. december 2017-imeersumi § 4 aamma inatsisit assigiinngitsut allat (CVR-imi assigisaannilu inuit nammineq najugarisaannik tamanut nalunaarutiginninnerit pillugit maleruagassanik allannguinerit), Piginneqatigiiffiit pillugit inatsimmik allanngueq pillugu inatsimmi nr. 676, 29. maj 2018-imeersumi § 3, sulliviit inuussutissarsiutitut ingerlatat ilaat pillugit inatsit, aamma inuussutissarsiutinik ingerlatsisutut aningaasaateqarfiit pillugit inatsit (piginnittuunerimut nalunaarsuinerimut assigisaannullu piunasaqaatit allanngortitat) aamma piginneqatigiiffinnut inatsimmik allanngueq pillugu inatsimmi nr. 554, 7. maj 2019-imeersumi § 3, sulliviit inuussutissarsiutitut ingerlatat ilaat pillugit inatsit, inuussutissarsiutinik ingerlatsisutut aningaasaateqarfiit pillugit inatsit aamma inatsisit assigiinngitsut allat (Aningaasanik peqquserluutinik malunnarunnaarsaasarneq pillugu aalajangersakkat tallimaata malitsigisaanik piginnittuiusut pillugit maleruagassanik allanngueq) atorlugit naammassineqartut, matumani peqqussummi § 2 naapertorlugu Kalaallit Nunaannut atuutilersinneqarput.

§ 2. Inuussutissarsiutinik ingerlatsisutut aningaasaateqarfiit pillugit inatsimmik Kalaallit Nunaannut atuutilersitsineq pillugu Kunngip peqqussutaatigut nr. 485, 14. maj 2018-imeersukkut Kalaallit Nunaannut atuutilersinneqartoq inuussutissarsiutigalugu aningaasaateqarfiit pillugit inatsimmi, tulliuuttut allannguutit suliarineqarput:

1. § 3-mi *imm.* 3-tut ikkunneqassaaq:

»Stk. 3. Imm. 2 malillugu peqqussummut ilaatinneqanngitsut imaluunniit imm. 1 malillugu peqqussummi suliaasaqarfiup avataaniittunut aningaasaateqarfinnut piginnittuiusunik nalunaarsuineq pillugu § 21 a atuuppoq.«

2. § 18 imatut allanneqassaaq:

»§ 18. Erhvervsstyrelseni allamik aalajangigaqanngippat manna peqqussut naapertorlugu nalunaarsorneqarsimasut inuit aqqi pillugit paasissutissiineq Qitiusumik Suliffeqarfiit Nalunaarsuivianni qaqugukkulluunniit tamanut nalunaarutigineqassapput. Tamanna inuussutissarsiutigalugu aningaasaateqarfinnut ingerlasunut aamma uninnikunut atuuppoq.

Imm. 2. Manna peqqussut naapertorlugu inuit nalunaarsorsimasut najugaat pillugit paasissutissiinerit, inuup pineqartup, Qitiusumik Suliffeqarfinnik Nalunaarsuivimmi nalunaarsorsimasumi suliffeqarfinni suliunnaarsimaneraniit ukiut tallimat ingerlareerserlugit Qitiusumik Suliffeqarfinnut Nalunaarsuivimmii tamanut nalunaarutigineqartassapput. Tamanna suliffeqarfinnut ingerlasunut unereernikunullu atuuppoq. Qitiusumik Inunnik Nalunaarsuivimmi atermik- aamma najukkamik

illersorneqarnermik nalunaarsoqqasunut, inuup najukkami illersorneqarnerata Qitiusumik Suliffeqarfinnik Nalunaarsuivimmi atuutinnginnissaa pillugu Erhvervsstyrelseni noqqaassuteqarfiginngippagu, Qitiusumik Inunnik Nalunaarsuivimmi illersorneqarneq atuutsillugu, Qitiusumik Suliffeqarfinnik Nalunaarsuivimmi najugaq tamanut nalunaarutigineqassanngilaq. Inuit inuup normuanik pigisaqanngitsut Qitiusumik Suliffeqarfinnik Nalunaarsuivimmi najukkap illersorneqarnissaa pillugu Erhvervsstyrelseni noqqaassuteqarfigisinnaavaat.

Imm. 3. Imm. 2-mi 4. pkt. naggatit sisamaanni allassimasut naapertorlugit inunnut inuup normuanik pigisaqanngitsunut najukkamik illersuinermit aamma najukkanik illersugaasunik ingerlatitseqqiinerut periarfissat piumasaqaatillu sukumiinerusut Erhvervsstyrelsen-ip aalajangersussavai.

Imm. 4. Tamakkiisumik akisussaaffillit peqataasut, piginnittuusut aamma aqutsisunut ilaasortaasut imm. 1-imut aamma 2-mut ilaatinneqartut pillugit inuttut paasissutissanik nutarterineq, Qitiusumik Suliffeqarfinnik Nalunaarsuivimmi nalunaarsorneqartumi suliffeqarfinni inuup pineqartup suliunnaarnerata ukiut tallimat kingorna atorunnaartarpoq.«

3. § 21-p kingorna § 22-mi qulequtaq sioqqullugu ikkunneqassaaq:

»§ 21 a. Piginnittuisut pisinnaatitaaffii pillugit paasissutissat ilaatillugit, aningaasaateqarfiup piginnittuii pillugit paasissutissanik aningaasaateqarfik katersissaaq.

Imm. 2. Aningaasaateqarfiup piginnittuii, aningaasaateqarfiup noqqaassuteqarneratigut aningaasaateqarfik, aningaasaateqarfiup piginnittuii pillugit paasissutissanik, ilaatillugit, aningaasaateqarfiup katersussallugit pisussaanermisut, piginnittuiit pisinnaatitaaffii pillugit paasissutissanik pilersussavaa.

Imm. 3. Inuk piginnittuinngorsimasoq aningaasaateqarfiup ilisimalersimanerata kingorna, piaarnerpaamik. ilaatillugit piginnittuiit pisinnaatitaaffii pillugit paasissutissat, Erhvervsstyrelsenip it-kkut atotorissaarutaani, aningaasaateqarfiup piginnittuii pillugit paasissutissat aningaasaateqarfiup nalunaarsussavai. Piginnittuiit pillugit nalunaarsukkani paasissutissani allannguut sunaluunniit, aningaasaateqarfiup allannguummik ilisimasaqalernerata kingorna piaarnerpaamik nalunaarsorneqassaaq.

Imm. 4. Piginnittuiit pillugit paasissutissat nalunaarsukkat allannguuteqarsimanersut, aningaasaateqarfiup minnerpaamik ukiumut ataasiarluni misissortassavaa. Aningaasaateqarfiup ukiumoortumik naatsorsuutit pillugit ataatsimiinnerini ukiumoortumik misissuinerup inernerat saqqummiuttassavaa.

Imm. 5. Piginnittuiunerup uninnerata kingorna ukiuni tallimani aningaasaateqarfiup piginnittuii pillugit paasissutissanut katersukkanut uppersaatit aningaasaateqarfiup toqqorsivimmiitissavai. Aammattaaq kinaassusersiniaanermut misiliinerup naammassinerata kingorna ukiuni tallimani piginnittuiit kinaassusersiniarnerannut misiliineq pillugit paasissutissanut katersukkanut uppersaatit aningaasaateqarfiup toqqorsivimmiitissavai.

Imm. 6. Aningaasaateqarfiup piginnittuii pillugit paasissutissat qinnuteqartoqarneratigut aningaasaateqarfiup, ilaatillugit aningaasaateqarfiup piginnittuiinik kinaassusersiniarnermik aningaasaateqarfiup misiliisimane pillugu, politinut aamma unnerluussisussaataasunut tunniutissavai. Aammattaaq aningaasaateqarfiup paasissutissat eqqaaneqartut

qinnuteqartoqarneratigut allanut piginnaatitaasut oqartussaasunut, taakkua oqartussaasut nakkutilliinerminnik- imaluunniit misissuinerminnik isumaginninnissamut pisariaqartut nalilerpassuk, tunniutissavai.

Imm. 7. Politit, unnerluussisussaataitaasut aamma allat piginnaatitaasut oqartussaasut akissarsissutaanngitsumik imm. 6 naapertorlugu katersukkat imaluunniit imm. 3 naapertorlugu nalunaarsugaasut piginnittuiit pillugit paasissutissat EU-mi naalagaaffiit ilaasortaasut allat piginnaatitaasuinut oqartussaasunut aamma aningaasalersuineranut isertortumik paasiniaasartuinut ingerlateqqissinnaavaat.

Imm. 8. Ilaatillugit styrelsenip qarasaasiaqarfiani paasissutissat suut aningaasaateqarfiup nalunaarsussanera, Erhvervsstyrelsenip it-kkut atortorissaarutaani imm. 1, 3 aamma 5 malillugit paasissutissat nalunaarsorneri, pissarsiareriaannaaneri aammalu tamanut nalunaarutigineqartarneri pillugit maleruagassanik sukumiinerusunik Erhvervsstyrelseni aalajangersaassaaq.

§ 21 b. Aningaasaateqarfimmik piginnittuittut isigineqassaaq taanna imaluunniit taakku, tamaasa ataatsimut isigalugit toqqaannartumik imaluunniit toqqaannanngitsumik aningaasaateqarfimmik nakkutiginnittut imaluunniit allatut piginnittuussutsimut assingusumik piginnaatitaaffillit, ilaatillugit

1) aningaasaateqarfiup siulersuisui, aamma
2) inuit immikkut salliutinneqartut, imaluunniit suli aningaasaateqarfimmit ilisimaneqanngitsunik aningaasaateqarfiup agguataaganik inuulluuteqartunik, inuit eqimattat taakku, aningaasaateqarfiup pilersinneqarneranut imaluunniit ingerlanneqarneranut pingaarnertut soqutigisaqartuuppata.

§ 21 c. Inuussutissarsiutigalugu aningaasaateqarfimmik pilersitsinermi, § 12 naapertorlugu kingusinnerpaamik aningaasaateqarfimmik nalunaarsuineranut peqatigitillugu, aningaasaateqarfiup piginnittuii pillugit paasissutissat, ilaatillugit § 21 a, imm. 1 naapertorlugu piginnittuiit pisinnaatitaaffii pillugit paasissutissat, katersorneqarlutillu nalunaarsorneqassapput.

§ 21 d. Aningaasaateqarfiit § 21 a naapertorlugu piginnittuiit pillugit paasissutissanik katersillutillu, toqqorsivinniititsillutillu nalunaarsuisussat, noqqaassuteqartoqarnera malillugu, aningaasanik peqquserluutinik malunnaarsarneq pillugu inatsit kunngip peqqussutaatigut Kalaallit Nunaannut atuutsinneqartoq malillugu, sullittakkanik ilisimasaqalernissamik periaatsinik suliaqartussanik inunnik aamma suliffeqarfinnik, taakkua piginnittuii pillugit paasissutissanik pilersuissapput.

Imm. 2. Erhvervsstyrelseni aningaasaateqarfiup piginnittuii pillugit paasissutissanut nalunaarsukkanut naleqqiullugit naapertuutinnginnerit pillugit aningaasanik peqquserluutinik malunnaarsarneq pillugu inatsit kunngip peqqussutaatigut Kalaallit Nunaannut atuutsinneqartoq malillugu, nalunaarutiginninnernik tigusaqaruni, Erhvervsstyrelseni § 17, imm. 1-i, aamma § 21 a, imm. 5 naapertorlugit pissutsinik misissuinermik suliaqassaaq.

Aningaasaateqarfiup pissutsinik aaqiinissaannut piffissarititamik Erhvervsstyrelseni aalajangersaasinnaavoq.

Imm. 3. Imm. 2 naapertorlugu misissuinnermut peqatigitillugu, Erhvervsstyrelsenip it-kkut atortorissaarutaani nalunaarutiginninneq pillugu ilisimatitsissummik Erhvervsstyrelseni tamanut nalunaaruteqassaaq. Tamatuma tamanut nalunaarutigineqannginnerani, nalunaarutiginninneq pillugu ilisimatitsissummik tamanut nalunaaruteqarnermik siunertaq taamaaliornikkut maangaannartinneqassanngippat, nalunaarutiginninnermut naammagittaalliornissamut aningaasaateqarfik periarfissaqartinneqassaaq.«

4. § 41, *imm. 1-imi*, »EU-mi/EØS-imi nunami« allanngortinneqassaaq imaalillugu: »Den Europæiske Unionip iluani nunami imaluunniit aningaasalersuinnermut suliaasaqarfik eqqarsaatigalugu Unionip isumaqatigiissuteqarfigisaani, nunami«.

5. § 54, *imm. 2*, imatut allanneqassaaq:

»*Imm. 2.* Kukkuersuuisoq kukkuersuinnermut allattaavimmik ingerlataqarpat, kukkuersuinnermut allattaavik siulersuisut ataatsimiinnerini tamani saqqummiunneqartassaaq. Sunaluunniit allattaavimmut ilassutaasoq siulersuisunut ilaasortanik tamanit atsiorneqartassaaq.«

6. § 69-ip kingorna ikkunneqassaaq:

»§ 69 a. Tamat soqutigisaqarfiisa suliffeqarfiit kukkuersiorneqarnissaannut piumasagaatit aalajangersimaqqissaartut pillugit Europa-Parlamentip aamma Rådip peqqussutaani (EU) nr. 537/2014, 16. april 2014-meersuni ilanngussaq 17, *imm. 1* apequtaatinnagu, § 59 naapertorlugu ukiumoortumik naatsorsuutit pillugit ataatsimiinnermi, kukkuersuinnermut inatsimmi § 1 a, nr. 3, naqinneq a-mut ilaatinneqartumi inuussutissarsiutigalugu aningaasaateqarfimmi siulersuisut, kukkuersuuisup taannaatiinnarnissaa toqqarsinnaavaat sivilisnerpaamik

1) ukiunik 10-nik sivilisussuseqartup naanerata kingorna kukkuersuinnermut sunniuteqartumik tamat soqutigisaqarfiisa suliffeqarfiit kukkuersiorneqarnissaannut piumasagaatit aalajangersimaqqissaartut pillugit Europa-Parlamentip aamma Rådip peqqussutaani (EU) nr. 537/2014, 16. april 2014-imeersuni ilanngussaq 16, *imm. 2-5*-imut naapertorlugit suliarinnittussarsiuussinnermut periaaseq suliarineqarsimappat, ukiuni 20-ni, imaluunniit

2) ukiunik 10-nik sivilisussuseqartup naanerata kingorna ukiumoortumik naatsorsuutit pillugit ataatsimiinnermi kukkuersuinnerup suliarineqarnissaanut tamatuma saniatigut minnerpaamik kukkuersuuisoq alla ataaseq siulersuisut toqqarpassuk, ukiuni 24-ni.«

7. § 73 imatut allanneqassaaq:

»§ 73. Atuakkanik, nalunaarsuiffinnik aamma allattaavinnik pilersitsinissamut aamma ingerlatsinissamut siulersuisut pisussaaffitsik naammassineraat pillugit, aammalu, kukkuersuuisoq taamaattunik ingerlataqaruni, kukkuersuinnermut allattaavinnik saqqummiussinissaq atsiornissarlu pillugit maleruagassat naammassineqarnersut

kukkunersiuisup nakkutigissavai. Kukkunersiuisoq paasisaqaruni, pineqartut piumasaaqatit naammassineqarsimangitsut, aningaasaateqarfiit pillugit oqartussaasunut nassiunneqartussamik, kukkunersiuisoq tamanna pillugu oqaaseqaasiamik immikkoortitamik suliaqassaaq.«

8. § 115, stk. 1-imi, nr. 2-p kingorna normutut nutaatut ikkunneqassapput:

»3) § 21 a naapertorlugu aningaasaateqarfiup piginnittuiit pillugit paasissutissat nalunaarsorsimangippagit imaluunniit aningaasaateqarfik amigartumik nalunaarsuineramik suliaqarsimappat,

4) § 21 a naapertorlugu aningaasaateqarfiup piginnittuiit pillugit paasissutissat nalunaarsorsimangippagit imaluunniit aningaasaateqarfik amigartumik nalunaarsuineramik suliaqarsimappat,«

Nr. 3 aamma 4 tamatuma kingorna nr. 5 aamma 6-inngussapput.

9. § 132, imm. 1-imi 1. pkt., naggat siullermi, »§§ 5, 13 aamma 15,«-ip kingorna uku ikkunneqassapput: »§ 21 a, imm. 3, 5 aamma 6«.

§ 3. Peqqussutip atulersinneqarneranut piffissaq Erhvervsministerip aalajangissavaa, tamatumunngalu ilagitillugu piffissani assigiinngitsuni peqqussutip ilai assigiinngitsut atuutilersinneqarnissai aalajangersarsinnaallugit.

Imm. 2. Aningaasaateqarfinnut peqqussummut ilaatinneqartunut, aamma aningaasaateqarfiit immikkoortortaanni aqutsisuusunut taakkualu suliassaannut ikaarsaarnermi aaqqiissutit pillugit maleruagassanik Erhvervsministeri aalajangersaasinnaavoq.

Imm. 3. Maleruagassat inatsit malillugu atuutilersinneqartut Kalaallit Nunaannut atuutinngillat.

Marselisborg Slot-imi tunniunneqarpoq, ulloq 28. december 2021

Kunngisut Atsiorpugut Naqissusiillutalu

MARGRETHE R.

/ Simon Kollerup

¹ Inatsimmi nr. 262, 16. marts 2016-meersumi § 14, imm. 1-i, aalajangersakkanik tulliuuttunik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni Savalimmiuni aamma Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut nunap ilaanut taakkununga atuutilersinneqarsinnaalluni, taamaattoq tak. imm. 2 aamma 3.«

² Inatsimmi nr. 631, 8. juni 2016-meersumi § 15, imm. 2 tulliuuttumik aalajangersakkamik imaqarpoq: »Inatsit Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaavoq.»

³ Inatsimmi nr. 665, 8. juni 2017-meersumi § 22, imm. 3 aalajangersakkamik tulliuuttumik imaqarpoq: »§§ 1-14, 16, 18 aamma 20 Kalaallit Nunaanni pissutsit apeqqutaallutik allannguutit ilaatillugit kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaavoq.»

⁴ Inatsimmi nr. 1665, 26. december 2017-meersumi § 9 aalajangersakkamik tulliuuttumik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni §§ 2-6 Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaalluni.»

⁵ Inatsimmi nr. 675, 29. april 2018-meersumi § 3 aalajangersakkamik tulliuuttumik imaqarpoq: » Inatsit Savalimmiunut aamma Kalaallit Nunaannut atuutinngilaq, kisianni Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaalluni.»

⁶ Inatsimmi nr. 554, 7. maj 2019-meersumi § 14, imm. 1-i aalajangersakkamik tulliuuttumik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni Savalimmiuni aamma Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Savalimmiunut aamma Kalaallit Nunaannut atuutilersinneqarsinnaalluni, taamaattoq tak. imm. 2 aamma 3.«